



KUMPULAN YAYASAN SABAH

Menara Tun Mustapha

Kompleks Ibu Pejabat Yayasan Sabah

Teluk Likas, Peti Surat 11623

88817 Kota Kinabalu, Sabah, Malaysia

Tel: 6 088 326300 Faks: 6 088 326424

E-mel: ysinfo@ysnet.org.my

Laman Web: <http://www.yayasansabahgroup.org.my>

SIARAN MEDIA

[MEDIA RELEASE/STATEMENT]

UNTUK SIARAN SEGERA

23 April 2022

200 ORANG PENDUDUK KG. BATU PAYUNG TAWAU DIRAIKAN DALAM MAJLIS IFTAR

TAWAU (Sabtu): 200 orang penduduk Kg. Batu Payung, Tawau disantuni melalui Majlis Berbuka Puasa Warga Kumpulan Yayasan Sabah Peringkat Zon Pantai Timur Selatan pada 22 April 2022.

Turut hadir ke majlis tersebut, Encik Hanafiah Diman, Setiausaha Korporat Yayasan Sabah selaku wakil kepada Pengarah Yayasan Sabah, Encik Mohd. Aziriansyah Ali, Pemimpin Pembangunan Masyarakat DUN N.68 Apas dan Puan Nurkhajjah binti Haji Mohd Tussin, Ketua Pentadbir Zon, Yayasan Sabah, Zon Pantai Timur Selatan (Tawau).

Majlis tersebut turut menyaksikan Kumpulan Yayasan Sabah memberikan sumbangan bantuan bakul makanan kepada seramai 50 orang golongan Asnaf Kg. Batu Payung serta sumbangan tikar getah, set kelengkapan jenazah dan set mikrofon tanpa wayar untuk kegunaan Masjid Nurul Hidayah, Kg. Batu Payung, Tawau.

Majlis tersebut dimulakan dengan sesi tazkirah diikuti dengan berbuka puasa sebelum solat Maghrib, Isyak dan Tarawih.

Program Berbuka Puasa merupakan acara tetap dalam kalendar tahunan Kumpulan Yayasan Sabah dalam mengutamakan kebajikan golongan yang kurang bernasib baik, menyediakan bahan makanan dan minuman kepada golongan yang memerlukan di samping memupuk ikatan silaturahim antara Kumpulan Yayasan Sabah dan masyarakat setempat.



Gambar 1: Encik Hanafiah (empat dari kiri) menyampaikan sumbangan Kumpulan Yayasan Sabah kepada Encik Mohamed Oman, Pengerusi Masjid Nurul Hidayah, Kg. Batu Payung.



Gambar 2: Encik Mohd. Aziriansyah (tiga dari kiri) mengagihkan sumbangan bantuan bakul makanan Kumpulan Yayasan Sabah kepada Encik Salim bin Palatai, salah seorang golongan Asnaf sambil disaksikan oleh Encik Hanafiah (empat dari kanan) dan Puan Nurkhajjah (dua dari kanan).



Gambar 3: Penduduk Kg. Batu Payung berbuka puasa bersama staf Kumpulan Yayasan Sabah.

-----TAMAT-----

Untuk maklumat lanjut, sila hubungi:

Sam S. Karnail
Pengurus Kumpulan
Bahagian Komunikasi Korporat
Kumpulan Yayasan Sabah
Tel. : 088-326448
Faks : 088-421526/088-326424
Emel : ynwaskarnail@gmail.com